

Kommunimut pilersaarummut tapiliussap 1A15-3 Inussussuaq, Nuuk inaarutaasumik akuersissutigineqarnera

Aalajangiiffigisassaq

J.nr.: 16.03.01.01-P16-20-18

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sumiiffimmi soqutigisaqaqatigiit kissaatigaat, suli eqiterisoqassasoq aamma kommunimit nalilerneqarpoq, immikkoortup ilaanut tamanna ajornangitsoq. Taamaattumik kommunimut pilersaarummut tapiliussaq manna immikkoortumik eqiterutsitsissaaq.

Kommunimut pilersaarummut tapiliussassatut siunnersuummi, 1A15-3, immikkoortup inissiaqarfiunissaa aalajangiusimaneqarpoq, immikkuualuttoq C-mi sanaartorfissiani 3-ni immikkut saniatigut quleriit marluk, kiisalu sanaartorfissiat ataasiakkaat iluarsivigineqarsinnaaneri aamma immikkuualuttup C-p tungaanut aqqu sinniornissaq periarfissaalerput.

Kommunimut pilersaarummut tapiliussaq sapaatit-akunnerini arfineq-pingasuni tamanut tusarniaassutigineqassaaq. Piffissami tusarniaaffiusumi tusarniaanermut akissutit marluk tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput. Tusarniaanermi akissuteqaatit ilanngussaq 1-imi suliarineqarput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut, 1A15-3, Inussussuaq, Nuuk akuersissutigineqassasoq.
- pilersaarummut tapiliussaq akuersissutigineqartoq Aningaasaqarnermut Inuussutissarsionermullu Ataatsimiititami akuersissutigisassanngorlugu ingerlateqqinneqassasoq
- Aningaasaqarnermut Inuussutissarsionernermullu Ataatsimiititami suliaq Kommunalbestyrelsimit inaarutaasumik akuersissutigisassanngorlugu ingerlateqqinneqassasoq.

Suliassamik saqqummiussineq

Nuummi innuttaasut suli amerliartorput. Kommuneqarfik Sermersuup eqiterinissamat periusissiaanut atatillugu, Inussussuaq eqiterivissatut toqqarneqarsimavoq, tamannalu tunngavigalugu kommunimut pilersaarummut tapiliussaq suliarineqarpoq.

Sumiiffimmi soqutigisaqaqatigiit kissaatigaat, suli eqiterisoqassasoq aamma kommunimit nalilerneqarpoq, immikkoortup ilaanut tamanna ajornangitsoq.

Immikkuualuttunut B-mut C-mullu aqqu nunamut naleqqussarniarlugu iluarsineqarpoq, tamatumalu kingunerisaanik immikkuualuttumi A-mi sanaartorfissat arlallit iluarsineqarput.

Tassunga atatillugu sanaartorfissaq 6 atorunnaassaaq, tassungalu taarsiullugu sanaartorfissat 5 annertusineqarluni.

Taamatuttaaq immikkuualuttoq C-mi sanaartorfissat iluarsineqarput, taamalu illunik quleriinnik arfineq-pingasunik sanaartornissamut periarfissaqalerluni.

Inissiat portusuut arlallit sanaartorneqalereerput, pilersaarummilu matumani nunap pissutsillu piviusut malillugit naapertuuttumik ineriartortinneqarnissaa periarfissaalissaaq. Taamalu pilersaarummut toqqammavigineqartoq, 1A15-2, ulloq 9.2.2016-imi akuerineqarsimasoq, pilersaarummi matumani ineriartortinneqarpoq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsivimmit kommunimut pilersaarummut tapiliussamut siunnersuummi immikkoortoq inissiaqarfittut qulakkeerneqassasoq nalilernerqarpoq, saniatigullu immikkoortumi uninngaartarfiit illoqarfiullu sammisassaqartitsivii pitsanngorsaavigineqarlutillu naleqarnerulersinneqassapput.

Immikkuualuttup C-p sanaartorfissagissarneqarnissaa akisuujuvoq, taamaattumik quleriit amerlineqarnerat isumaqarpoq. Quleriit amerlineqarnerat eqqaamiusunut ajortumik kinguneqarnaviangilaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassangilaq.

Inatsisitigut tunngavissaq allakkallu tunngaviusumik uppernarsaatitallit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussaq siunnersuutit tamanut tusarniaassutigineqarpoq sapaatip-akunnerini arfineq-pingasuni piffissami 28.8.2019 – 23.10.2019.. Piffissap tusarniaaffiusup qaangiutereernerani tusarniaanermi akissuteqaatit marluk pissarsiarineqarput, ilanngussami 1-imi suliarineqartut. Taakkua oqaaseqatigiinni annikitsunik iluarsiiqqineqarput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Aqqusineq nutaaq sanaartorfissallu iluarsineqartut pillugit soqutigisaqaqatigiinnik ataatsimiisitsisoqarpoq. Siunnersuut akuersissutigineqartoq sapaatit akunnerini arfineq-pingasuni tamanut tusarniaassutigineqassasoq.

Kommunimut pilersaarummut tapiliussaq inaarutaasoq tamanut saqqummiunneqassaaq kommunimut pilersaarummut tapiliussami nittartakkami www.sermersooq2028.gl

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit:

Sanarfinermut Avatangiisinullu Ataatsimiititap ulloq 23. septembari 2019-imi aalajangernera:

Inassuteqaat akuerineqarpoq

Aningaasaqarnermut Inuussutissarsiornermullu Ataatsimiititap aalajangernera ulloq 15. aggustip 2019:

Inassuteqaat akuersissutigineqarpoq oqaaseqaatigalugu sapaatip-akunnerini arfinilinni tusarniaasoqassasoq, sapaatip-akunnerini arfineq pingasuni pinnani.

Kommunalbestyrelsip aalajangernera 27. aggustip 2019:

Inassuteqaat akuerineqarpoq

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliusseq, 1A15-3, Inussussuaq, Nuuk